



A Chómhúinteoir, a chara,

Beannachtaí ó Fhoireann Ghaeilge Iar-bhunscoile an GhaelAonaid agus fáilte ar ais ar scoil! Tá Meán Fómhair buailte linn agus níl aon amhras ach go bhfuil cuma an fhómhair ag teacht ar an tír ó thalamh. Tá súil againn go bhfuil tú ag tnúth le tús a chur le téarma nua scoile. Go n-éirí go geal leat agus tú ag tosú ar bhliain nua acadúil.



Teacht an Fhómhair

‘Titim agus fás
Ní bás ach athfhás
Fuinneamh i ngach leoithne’

Liam Ó Maonlaí & Clare Sands

Dáta Don Dialann: An Tionól Teagaisc

Is cúis áthais d'Oide a fhógairt go mbeidh Tionól Teagaisc 2026 ar siúl ar an 7 Samhain, 2026 in Óstán Killeslin, Port Laoise, Co. Laoise, R32 TYW7. Beidh an clárú le hoscailt go luath. Is ócáid thar a bheith luachmhar é an Tionól; is deis í chun dea-chleachtais ghairmiúla i gcomhthéacsanna éagsúla a roinnt ar a chéile agus chun plé gairmiúil a bheith againn le múinteoirí eile. Téama na bliana seo ná 'Dearcadh dearfach i leith úsáid na Gaeilge - deiseanna agus féidearthachtaí' agus táimid ag súil go mór leis mar lá. Déan nóta den dáta i do dhialann agus scaip an scéal. Bí inár measc!





Eispéiris Foghlama Gairmiúla 2026/2027

Cuirfear tús le soláthar EFGanna Gaeilge 2026/2027 d'iarbhunscoileanna ag deireadh mhí Mheán Fómhair. San EFG seo, féachfar ar Ráiteas an Chláir Idirbhliana. Beidh deis ag múinteoirí dea-chleachtais a roinnt ar a chéile agus a gcleachtas ionchuimsitheach féin a fhorbairt maidir le teagasc, le foghlaim agus le measúnú na Gaeilge. Táimid ag súil go mór le bualadh libh i mbliana a mhúinteoirí.

Bláthú Teanga í a Léamh

Cuirfear an tsraith d'eispéiris foghlama gairmiúla, Bláthú Teanga í a Léamh, ar fáil arís i mbliana ar an ábhar dualgais do scrúdú Gaeilge na hArdteistiméireachta. Cuirfear Bláthú Teanga 1 - 6 ar fáil an tseachtain dar tús an Luan, 21 Meán Fómhair.

Sa tsraith seo, déanfar iniúchadh ar na bealaí ar féidir an litríocht a úsáid mar acmhainn le scileanna teanga scoláirí a fhorbairt. Pléifear cleachtais ionchuimsitheacha agus na straitéisí comhoibríocha chun freastal ar na foghlaimeoirí Gaeilge. Cláraigh ag an nasc [anseo](https://dms.oide.ie/event/public).

 **Oide**



Teideal an EFG	Dáta agus Am
1. Cócó agus Deireadh na Feide	Dé Luain 21 Meán Fómhair 16:30 - 17:30
2. Eoinín na nÉan agus Dínit an Bhróin	Dé Luain 21 Meán Fómhair 18:30 - 19:30
3. Glaoch Abhaile	Dé Máirt 22 Meán Fómhair 16.30 - 17.30
4. Clann Lir	Dé Máirt 22 Meán Fómhair 18.30 - 19.30
5. An Féileacán agus an Crann Úll	Dé Céadaoin 23 Meán Fómhair 16:30 - 17:30
6. Athair	Dé Céadaoin 23 Meán Fómhair 18.30 - 19.30

Bheadh sé fiúntach an t-ábhar dualgais a iniúchadh roimh ré

 <https://dms.oide.ie/event/public>

Gaeilge sa tSraith Shinsearach - Tráinse a 4

Mar chuid den athfhorbairt ar an ardteistiméireacht, táthar ag súil go gcuirfear i bhfeidhm i scoileanna é i Meán Fómhair 2028. Tá ról lárnach ag Meitheal Forbartha Gaeilge na hArdteistiméireachta san obair seo. Is féidir eolas a fháil ar an obair forbartha ábhair agus an próiseas a fheiceáil [anseo](https://dms.oide.ie/event/public).



Gaeilge sa tSraith Shóisearach

Foilsíodh i mí Bealtaine ciorclán 0062/2026 ‘Socruithe le haghaidh Chur Chun Feidhme an Chreata don tSraith Shóisearach le tagairt faoi leith don scoilbhliain 2026/2027.’ Tá eolas ann maidir leis na coigeartuithe measúnaithe a deimhníodh i mí na Samhna 2025 agus na measúnuithe rangbhunaithe. Is féidir an ciorclán a léamh [anseo](#).

Club Leabhar na Gaeilge ‘Léigh Leat, Leabhar Linn’

Ar an 16 Samhain 2026, reáchtálfar an chéad seimineár den tsraith ‘Club Leabhar na Gaeilge’ de chuid an GhaelAonaid ina bhféachfar ar na féidearthachtaí a bhaineann le Club Leabhar na Gaeilge a bhunú do mhúinteoirí iar-bhunscoile sa chomhthéacs T1 agus T2. Féachfar ar conas club leabhar a bhunú, a struchturú agus a chothabháil, ar bhealaí praiticiúla le suim agus muinín foghlaimeoirí sa léamh a chothú, agus an léamh ar son taitnimh agus tuisceana a chur chun cinn. Sraith de thrí EFG a bheidh ann ar an iomlán. Is féidir clárú [anseo](#).






Gairmeacha le Gaeilge

Tá an acmhainn - Deiseanna Gairmeacha le Gaeilge, leagan eagrán 2026-7 (leagan Gaeilge agus Béarla.) - ar fáil anois saor in aisce ó COGG.

Pacáiste ilmheáin le bileoga gairmeacha a léiríonn na deiseanna Gaeilge a úsáid tar éis na scolaíochta. Deiseanna tríú leibhéal, breis oideachais, scoláireachtaí, scéimeanna cónaithe agus saol sóisialta iontach má leantar le Gaeilge tar éis na scoile!



Fóram Feasa Beo

Reáchtálfar Fóram Feasa Beo ar an 19 Meán Fómhair i gColáiste Chois Life, Baile Átha Cliath. Ócáid spreagúil, idirghníomhach a bheidh ann atá á heagrú ag Bord Oideachais agus Oiliúna Éireann (BOOÉ/ETBI) agus ag COGG. Téama an lae - Buanna agus duanna na hintleachta saorga don teagasc agus d'fhoghlaim trí Ghaeilge.

Fóram Feasa Beo **Úsáid na hintleachta saorga don teagasc trí Ghaeilge**

Coláiste Chois Life
De Sathairn, 19 Meán Fómhair 2026
10:30 - 15:30, Clárú/Tae/Caife ó 10:00

Sceideal na gCeardlann Ceisteanna: seol domhphost chug toirdealbhach@cogg.ie
gean.gilger@etbi.ie, aolfe@cogg.ie

Athair	Teideal	Aisíochair
Staidéar Foirgníochta Teicneolaíoch an Adhmaid	Ag eascú páir oisail ar CNM na hArdleibhí don Eiríochlaíocht	Don O'Ceallaigh , Coláiste Ghobnatan
Bitheolaíocht		Rónán Ó Muirí , Gaelscoiláiste Chruinnigh Uí Leatháin
Ceimic	Bliain ar an mbóthar: Tacht, Mochnamh agus Dea-chleachtas don gCúlad Bhliain de Shonaidh Nua na Ceimice	Karen Nic Aoidh , Gaelscoiláiste Uíbhí, Naas
Corpoideachas	Rúscint na Teicne trí rannpháirtíocht i ghrúpaí don Chorpoidéachas Ardleibhí	Janette Ní Riain , Pobarscoil Chorca Dhúibhne
Eacnamaíocht Bhaile	Buntáisi na Teicneolaíochta don Eacnamaíocht Bhaile	Fiona Ní Chatháin , Gaelscoiláiste Thort Láirge
Ealaín	Buntáisi na hEalaíochta Saorga don Ealaín	Faola Uí Dhomhnaill , Coláiste David
Fisic	Ón tsomaidh go Fisic i gCeolachas: Machnamh ar an gCúlad Bhliain den tsomaidh Nua Fisice	Pádraig Ó hAireachtáin , Coláiste Ghobnatan
Gaeilge T1	Foghlaim Ghnóimhach sa Seomra Ranga Bí-Chaite agus Scríbhneoireacht i Gaeilge - Féilire agus Scáláil Teange	Olivia Ní Chainín , Coláiste Oisail
Riachtanais Bhreise Oideachais	An Inteach Saorga mar áis don comhordúitheoir RSD	Isabel Ní an Fhailí , Coláiste de Ríde
Staidéar Gnó	An Chomhpháirtíocht i nGnó: Dúshlán agus Deiseanna don Teagasc agus don tScoláire arís	Tiarnán de Mál , Gaelscoiláiste na Uíche
Innealtóireacht agus Teicneolaíocht Fheidhmeach	Spéisiúil ar thionscnamh nua i nGaeilge, teicneolaíocht an ábhair agus leagan amach eile teagaisc	Séan Ó Tuairing , Liscar
Mata	Acmhainní nua don Mhata: An bóthar amach romhainn (Matail Mata agus eile)	Emma Ní an Mhaire , Gaelscoiláiste Mhuigh Nuad
Stair	Unaid phrívatúil na bhfianáin agus na fianaise sa seomra ranga Staire don tScoil Ghobnatan	Michelle D'Altuin , Gaelscoiláiste Chruinnigh
Treolaíocht	Treolaíocht na hArdleibhíochta: Tionscail Teagaisc, TFC agus Comhionann Acmhainní	Antaine Ó Casaidé , Coláiste Chois Life

agus eile, ag óráit ar éilimh

Is féidir an ócáid seo a chur san áireamh i leith Uaireanta Pháirc an Chrócaigh.

Líontas taistil €100 do rannpháirtithe

Teacht le chéile do mhúinteoirí/ ceannairí scoile in eanáil an Ghaeioideachais ag an lar-bhunleibhéal

Clárúigh anois

Tionscnamh BOOÉ | Fóram



Dialann Phleanála

Tá leagan úrnua den Dialann Phleanála ar fáil anois. Forbraíodh an dialann seo mar acmhainn FCÁT chun tacú le múinteoirí na moltaí dea-chleachtais, mar a léirítear sa taighde reatha iad, a chur i bhfeidhm ina seomra ranga. Tá tuilleadh eolais [anseo](#).

Ar Aghaidh Linn

Is acmhainn iomlán nua í seo ó COGG do scoláirí na chéad bhliana sa chomhthéacs T1. Tugtar blaiseadh ann de thopaicí éagsúla lena n-áirítear an socrú isteach, amchlár, eagrúchán, rialacha, nósanna scoile agus gníomhaíochtaí seach-churaclaim. Pléitear freisin mothúcháin, cuimhní ar an mbunscoil, agus spriocanna pearsanta don bhliain amach roimh na scoláirí.

Sainseisiún Ghaeilge

Leanfar ar aghaidh ag tacú le hiar-bhunscoileanna trí sheisiún ionscoile ar chruinneas na Gaeilge (ó Gaelchultúr) a chur ar fáil ina gcuid scoileanna féin i rith na bliana. Díreofar sna seisiúin ar an gcruinneas Gaeilge atá riachtanach do chur chun cinn na scoile, an Ghaeilge agus an Teicneolaíocht agus an Phleanáil agus Riarachán Scoile. Tuilleadh eolais [anseo](#).



Ceardlann nua spreagúil thar 3 sheisiún 2 uair an chloig ina ndírítear ar chruinneas gramadaí agus ceartúsaid na Gaeilge i gcomhthéacs na scoile atá i gceist leis an deis uasólúna seo. Cuireann na seisiúin seo ar chumas rannpháirtithe a bheith níos muintiní ag úsáid na Gaeilge agus a chinntaí go mbíonn ardchaighdeán teanga in úsáid acu i gcoil.

Roachtaítear na seisiúin ar lathair na scoile agus cuirtear faite roimh fhoireann iomlán na scoile.

Deantar cleachtais teanga bunaithe ar thopaicí scoilbhunaithe sna seisiúin idirghníomhacha seo. Seo thíos blaiseadh de na topaicí a chluadaítear.



Seisiún 1: Cur chun cinn na scoile

- Nuachtlitreacha scoile
- Na meáin shóisialta agus na meáin thraidisiúnta
- Imeachtaí scoile



Seisiún 2: An Ghaeilge agus an teicneolaíocht

- Acmhainní teanga ar líne agus conas iad a úsáid
- Riomhaistriúcháin
- Scoileanna eagarthóireachta



Seisiún 3: Pleanáil agus riarachán scoile

- Téarmaíocht na pleanála
- Téarmaíocht a bhaineann le riachtanais speisialta oideachais
- Tuairiscíú
- Cruinnithe foirne

An Chomhairle um Oideachas
Gaeltachta & Gaelscolaíochta



LEAN AN CÚL
LE DO SPÉIS A LÉIRIÚ
SNA SEISIÚIN SEO





Cúrsa Gaeilge Gaelchultúr

Cúrsa deich seachtaine é an cúrsa Gaeilge seo atá oiriúnach do mhúinteoirí iar-bhunscoile sna Gaelcholáistí agus sna scoileanna Gaeltachta. Is é sprioc an chúrsa cabhrú leis na rannpháirtithe Gaeilge chruinn agus an stór focal riachtanach a fhoghlaim. Tá an cúrsa Gaeilge á chur ar fáil i gcomhar le Gaelchultúr.

Gaelchultúr
Cúrsaí Gaeilge
do mhúinteoirí in
iar-bhunscoileanna
Gaeltachta agus
lán-Ghaeilge
Go hlomlán ar Líne
Grúpaí beaga
Gach leibhéal (A2 - C1)
Dáta tosaigh:
22 & 23 Meán Fómhair @ 7PM
Cláraigh Anois
Saor in aisce do mhúinteoirí
urraithe ag COGG
An Chomhairle um Oideachas
Gaeltachta & Gaelscolaíochta
Oide



Nath na Míosa
‘Seal den fhómhar buí’

Máirtín ó Díreáin

Go n-éirí go geal leat agus tú ag tosnú ar bhliain nua acadúil. Má ritheann aon cheist leat, fáiltimid roimh chomhfhreagras uait. Níl le déanamh agat ach ríomhphost a sheoladh chuig eolas@oide.ie. Bí chugainn agus fáilte.

Is muidne le meas,
Foireann na Gaeilge Iar-bhunscoile, GaelAonad, Oide.
Ní haon ualach í an fhoghlaim